

আমাদের অর্জন

অজয় দাশ গুপ্ত

ডামাডোলে ভুলে আছিস কার জননী কার মা / তোর সাথে কি ঐটে কভু উঠতে পারে বার্মা? তেঁতুলিয়ার
মাঠ পেরিয়ে দূরের চট্টগ্রামে / তোর খ্যাতি মা ছড়িয়েছিল ছোট্ট খুদিরামে/ সে ইতিহাস অজানা নয় নয়
তো কিছুই উহ্য/ বৃটিশদের ও হার মানালো প্রীতিলতা ও সূর্য/ তুই আমাদের সাহসিকা কোটি মানব
পালনে / তোর মাটিকে জাগিয়ে রাখে হাছন, ফকির লালনে/ তোর বুকে তে মাথা রেখেই সারা জীবন
কাল্লা হাসি/ তোর ঐ মুখ মলিন হলে আমরা নয়ন জলে ভাসি/ দেয়নি তো কেউ দয়ার দান মা আসে নি
তা চুক্তিতে/ লাখো মানুষ প্রান দিয়েছে মাগো তোমার মুক্তিতে/ যার যায়নি বুকের মানিক কি করে সে
বুঝিবে/ তোমার শক্তি বুঝেছিল তাজ উদ্দিন ও মুজিব/ আগলে আছে এ দেশ তুমি শত বিরোধ দল্ধে/
শিরায় শিরায় পাগলামি সব দেশের প্রতি রক্তে/ সন্তান সব বুক বাঁধলে জানবে সবাই কার মা/ দূশমন
সব হার মানবে মানলো যেমন বার্মা